

宋

會

要

全唐文

宋會要

市舶司掌市易南蕃諸國物貨航船而至者初於廣州
置司以知州為使通判為判官及轉運使司掌其事又
遣京朝官三班內侍三人專領之後又於杭州置司淳
化中徙置於明州定海縣命監察御史張肅主之明年
肅上言非便復於杭州置司咸平中又命杭明州各置
司聽蕃客從便若船至明州定海縣監官封船各堵送
州凡大食古邏閣婆占城勃泥麻逸三佛齊賓同隴沙
里亭丹流眉竝通貨易以金銀絺錢鉛錫雜色帛精麗
瓷器市易香藥犀象珊瑚琥珀珠鉗賓鐵壁皮瑇瑁瑪



瑤車渠水晶蕃布烏楠蘇木之物太平興國初京師置
權易院乃詔諸蕃國香藥寶貨至廣州交趾泉州兩制
非出於官庫者不得私相市易後又詔民間藥石之具
恐或致闕自今惟珠貝瑇瑁犀牙賓鐵鼈皮珊瑚瑪瑙
乳香禁權外他藥官市之餘聽市貨與民其後二州知
州領使如勸農之制通判兼監而罷判官之名每歲止
三班內侍專掌轉運使亦總領其事大抵海舶至十先
征其一其價直酌蕃貨輕重而差結之給太祖開寶四
年六月命同知廣州潘美尹崇珂並充市舶使以駕部
員外郎通判廣州謝處玘兼市舶判官太宗太平興
國元年五月詔敢與蕃客貨易計其直滿一百文以上

量科其罪過十五斤以上黥面配海島過此數者押送
赴闕婦人犯者配充針工淳化五年二月又申其禁四
貫以上徒一年遞加二十貫以上黥面配本地充役兵

二年正月命著作佐郎李鵬舉充廣南市舶使 七

年閏十二月詔聞在京及諸州府人民或少藥物食用
今以下項香藥止禁惟廣南漳泉等州船舶上不得侵
越州府界紊亂條法如違依條斷遣其在京并諸處即
依舊官場出賣及許人興販凡禁榷物八種瑋眉牙犀
賓鐵鼈皮珊瑚瑪瑙乳香放通行藥物三十七種木香
檳榔石脂硫黃大腹龍腦沉香檀香丁香皮桂胡
椒阿魏蔞蘿華澄茄訶子破故紙荳蔻花白荳蔻鵬沙

紫礦胡蘆芭蘆會革撥益智子海海桐皮縮砂高良薑
草豈蔻桂心苗汶樂煎香安息香舊名香烏櫛木降真香琥珀
後紫礦亦禁榷 雍正四年五月遣內侍八人齎敕書
金帛分四綱各往海南諸蕃國勾招進奉博買香藥犀
牙真珠龍腦每綱齎空名詔書三道於所至處賜之
端公拱二年五月詔自今商旅出海外蕃國販易者須於
兩湖市舶司陳牒請官給券以行違者沒入其寶貨
淳化二年四月詔廣州市舶每歲商人舶船官盡增壹
價買之良苦相雜官益少利自今除禁榷貨外他貨擇
良者止市其半如時價給之麤惡者悉其賣勿禁 至
道元年三月詔廣州市舶司曰朝廷綏撫遠徼禁止末

游比來食祿之家不許與民爭利如官吏無顧憲章苟
徇貨財潛通交易闌出徼外私市掌握之珍公行道中
靡虞惹致之謗永言貪冒深蠹彞倫自今宜令諸路轉
運司指揮部內州縣專切糾察內外文武官僚敢遣親
信於化外販鬻者所在以姓名聞四月令金部員外郎
王澣與內侍楊守斌往兩湖相度海舶路六月詔市舶
司監官及知縣通判等今後不得收買蕃商雜貨及違
禁物色如違當重置之法先是南海官員及經過使臣
多請託市舶官如傳語蕃長所買香藥多虧價直至是
左正言馮拯奏其事故有是詔九月王澣等使還帝諭
以言事者稱海商多由私路經販可令禁之澣等言取

私路販海者不過小商以魚乾為貨其大商自蘇杭取海路順風至淮楚間物貨既豐收稅復數倍若設法禁小商大商亦不行矣從之 真宗咸平二年九月兩浙轉運使副王渭言奉敕相度杭明州市舶司乞只就杭州一處抽解詔杭州各置市舶司仍取蕃官穩便 大中祥符二年八月九日詔杭廣明州市舶司自今蕃商齋餉石至者官為收市斤給錢五百以初立禁科也時三司定直斤錢二百詔特增其數 九年九月十八日太常少卿李應機言廣州勾當市舶司使臣自今後望委三司使副使判官或本路轉運使奏廉幹者充選從之 天禧元年六月三司言大食國蕃客麻思利等回

收買到諸物色乞免緣路商稅今看詳麻思利等將博
買到真珠等合經明州市舶司抽解外赴闕進賣今却
作進奉名目直來上京其緣路商稅不令放免詔特蠲
其半 三年十月供備庫使時其昌言廣州市舶庫門
舊令鈴轄監閱望止於都監押內輪司其事從之 四

年六月右諫議大夫李應機言廣州通判係審官院差
緣兼市舶公事望自今中書選差候得替日如不虧遞
年課額特與改官優加任使其市舶使臣亦候得替依
押香藥綱使臣例遷轉親民任使詔廣州通判於京朝
官中選累有人奏舉者具名取旨其市舶依所請施行
仁宗天聖三年八月審刑院大理寺言監察御史朱

諫上言福州遞年常有船舶三兩隻到鍾門海口其郡
縣官員多令人將錢物金銀博買真珠犀象香藥等致
公人百姓接便博買却違禁寶貨不少乞申明條貫下
本州從之四四年十月明州言市舶司牒日本國太宰
府進奉使周良史狀奉本府都督之命將土產物色進
奉本州看詳即無本處章表未敢發遣上京欲令明州
只作本州意度諭周良史緣無本國表章難以申奏朝
廷所進奉物色如肯留下即約度價例迴荅如不肯留
下即却給付曉示令迴從之五年九月自今遇有船舶
到廣州博買香藥及得一兩綱旋具聞奏乞差使臣管
押 六年七月十六日詔廣州近年蕃舶罕至今本州

與轉運司招誘安存之 八年六月詔廣州監市舶司
使臣自今三班院依揀走馬承受使臣例選取三人各
曾有舉主三人已上者具脚色姓名供申樞密院其差
出使臣如在任終滿三年委實廉慎別無公私過犯仍
令本路轉運使副保奏當與酬獎 景祐五年九月七
日太常少卿直昭文館任中師言臣在廣州奉敕管勾
市舶司使臣三人通判二人亦是管勾市舶司名銜並
同勘會所使印是市舶使字乞自今少卿監以上知廣
州並兼市舶使入銜內兩通判亦充市舶判官或主轄
市舶司事管勾使臣並申狀詔知州徐起兼市舶使今
後少卿監已上知州兼市舶使餘不行 神宗熙寧四

年五月十二日詔應廣州市舶司每年抽買到乳香雜藥依條計綱申轉運司召差廣南東西路得替官往廣州交管押上京送納事故銜替之人勿差至元符三年六月十一日廣東轉運司奏欲於上京送納字下添人如逐路無官願就即不限路分官員並許召差如無官仍約定綱數申省乞差軍大將裝押字從之 七年正月一日詔諸船舶船遇風信不便飄至逐州界速申所在官司城下委知州餘委通判或職官與本縣令佐躬親點檢除不係禁物稅訖給付外其係禁物即封堵差人押赴隨近市舶司勾收抽買諸泉福緣海州有南蕃海南物貨船到並取公據驗認如已經抽買有稅務給到

回引即許通行若無照證及買得未經抽買物貨即押
赴隨近市舶司勘驗施行諸客人買到抽解下物貨並
於市舶司諸公憑引目許往外州貨賣如不出引目許
人告依偷稅法七月十八日詔廣東路提舉司劾廣州
市易務勾當公事呂邈以擅入市舶司拘攔蕃商物故
也十九日詔廣州市舶司依舊存留更不併歸市易務
九年五月二日中書門下言給事中集賢殿脩撰程
師孟乞罷杭州明州市舶司只就廣州市舶一處抽解
欲令師孟赴三司同共詳議利害以聞三司言今與師
孟同共詳議廣明州市舶利害先次刪立抽解條約詔
恐逐州有未盡未便事件令更取索重詳定施行 元

豐三年八月二十七日中書言廣州市舶條已修定乞
專委官推行詔廣東以轉運使孫迥廣西以轉運使陳
倩兩漕以轉運副使周直孺福建以轉運判官王子京
迥直孺兼提舉推行倩子京兼覺察拘攔其廣南東路
安撫使更不帶市舶使 五年十月十七日廣東轉運
副使兼提舉市舶司孫迥言南蕃綱首持三 齊詹畢
國主及主管國事國主之女唐字書寄臣熟龍腦二百
二十七兩布十三疋臣昨奉委推行市舶法臣以海舶
法敝商旅輕於冒禁每召賈胡示以條約曉之以來遠
之意今幸刑戮不加而來者相繼前件書物等臣不敢
受乞估直入官委本庫買綵帛物等候冬舶回報謝之

所貴通異域之情來海外之貨從之十二月二十一日
廣西轉運副使吳潛言雷化發船之地與瓊島相對今
令倒下廣州請引約五千里不便欲乞廣西沿海一帶
州縣如土人客人以船載米穀牛酒黃魚及非市舶司
司抽解之物並更不下廣州請引詔孫迥相度於市舶
法有無妨礙 六年十一月十七日密州范鈞言欲於
本州置市舶司於板橋鎮置抽解務籠賈人專利之權
歸之公上其利有六使商賈入粟塞下以佐邊費於本
州請香藥雜物與免路稅必有奔走應募者一也凡抽
買犀角象牙乳香及諸寶貨每歲上供者既無道塗勞
費之役又無舟行侵盜傾覆之弊二也抽解香藥雜物

每遇大禮內可以助京師外可以助京東河北數路賞給之費三也有餘則以時變易不數月生有倍稱之息四也商旅樂於負販往來不絕則京東河北數路郡縣稅額增倍五也海道既通則諸蕃寶貨源源而來上供必數部於明廣六也有是六利而官無橫費難集之功庶可必行而無疑况本州及四縣常平庫錢不下數十萬緡乞借為官本限五年撥還詔都轉運使吳居厚悉意斟酌條息以聞其後居厚言其取於輕重之權較然可見於今無不可推行之理欲稍出錢帛議其取舍之便考其贏縮之歸仍上置權易務差官吏牙保法請自七年三月推行已而居厚又言鈔所請置抽解務如此

則牽制明廣二州已成之法非漸廣江淮數路公私之便海道至南蕃極遠登萊東北密邇遼人雖立透漏法勢自不可拘攔而板橋又非商賈輻湊之地恐不可施行 哲宗元祐二年十月六日詔泉州增置市舶 三年三月十八日密州板橋置市舶司 五年十一月二十九日刑部言商賈許由海道往來蕃商興販並具入舶物貨名數所詣去處申所在州仍召本土物力戶三人委保州為驗實牒送願發舶州置簿給公據聽行回日許於合發舶州往舶公據納市舶司即不請公據而擅乘舶自海道入界河及往高麗新羅登萊州界者徒二年五百里編管往北界者加二等配一千里並許人

告捕給舶物半價充賞其餘在船人雖非船物主並杖八十即不請公據而未行者徒一年鄴州編管賞減擅行之半保人並減犯人三等從之 元符二年五月十二日戶部言蕃舶為風飄着沿海州界若損敗及船主不在官為拯救錄物貨許其親屬召保認還及立防守盜縱詐冒斷罪法從之 徽宗崇寧元年七月十一日詔杭州明州市舶司依舊復置所有監官專庫手分等依逐處舊額 三年五月二十八日詔應蕃國及土生蕃客願往他州或東京販易物貨者仰經提舉市舶司陳狀本司勘驗詣實給與公憑前路照會經過官司常切覺察不得夾帶禁物及姦細之人其餘應有關防約

東事件令本路市船司相慶申尚書省先是廣南路提
舉市船司言自來海外諸國蕃客將寶貨渡海赴廣州
市船務抽解舉民間交易聽其往還許其舉止今來大
食諸國蕃客乞往諸州及東京買賣未有條約故有是
詔 四年五月二十日詔每年蕃船到岸應買到物貨
合行出賣並將在市實直價例依市易法通融收息不
得過二分從廣南提舉市船司請也 五年三月四日
詔廣州市船司舊來發船往來南蕃諸國博易回元豐
三年舊條只得却赴廣州抽解後來續降沿革不同今
則許於非元發船州往船抽買緣此大生奸弊虧損課
額可將元豐三年八月舊條與後來續降銜改叅詳從

長立法遵守施行 大觀元年三月十七日詔廣南福

建兩浙市舶依舊復置提舉官 三年七月二十詔罷

兩浙路提舉市舶官令提舉常平官兼專切提舉通判

管勾 政和二年五月二十四日詔兩浙福建路依舊

復置市舶從福建路提舉刑獄邵濤請也 三年七月

十二日兩浙提舉市舶司奏至道元年六月二十六日

勅應通判諸色官員并市舶司官使臣等今後並不得

收買蕃商香藥禁物如有收買其知通諸色官員并市

舶司官並除名使臣決配所犯人亦決配緣止係廣南

二路指揮詔申明行下 四年五月十八日詔諸國蕃

客到中國居住已經五世其財產依海行無合承分人

及不經遺囑者並依戶絕法仍入市舶司拘管 五年
七月八日禮部奏福建提舉市舶司狀昨自興復市舶
已於泉州置來遠驛與應用家事什物等並足定犒設
饋送則例及以置使臣一員監市舶務門魚充接引幹
當來遠驛及本司已出給公據付劉著等收執前去羅
斛占城國說諭詔納許令將寶貨前來投進外今照對
慕化貢奉諸蕃國人等到來合用迎接犒設津遣差破
當直人從與押伴官等有合預先措置申明事件今措
度欲乞諸蕃國貢奉使副判官首領所至州軍乞用妓
樂迎送許乘轎或馬至知通或監司客位候相見罷赴
客位上馬其餘應干約束事件並乞依蕃蠻入貢修例

施行如更有未盡事件取自朝旨本部尋下鴻臚寺勘
會據本寺狀稱契勘福建路市舶司依崇寧二年二月
六日朝旨招納到占城羅斛二國前來進奉內占城先
累赴闕係是廣州解發外有羅斛國自來不曾入貢市
舶司自合依政和令詢問其國遠近大小強弱與已入
貢何國為比奏本部勘會今來本司並未曾勘會依條
比奏及申明合用迎接等事今欲下本司勘會依降比
奏施行詔從之八月十三日詔提舉福建路市舶施述
與轉一官以詔誘抽買寶貨增羨也 七年七月十八
日提舉兩浙路市舶張範奏欲乞鎮江平江府如有蕃
商願將舶貨投賣入官即令稅務監官依市舶法博買

內上供之物依條附網起發不堪上供物貨闕提刑司
選官估賣從之 宣和元年八月四日又奏政和三年
七月二十四日聖旨於秀州華亭縣興置市舶務抽解
博買專置監官一員後來因青龍江浦堙塞少有蕃商
船舶前來續承朝旨罷去正官令本縣官兼監今因開
修青龍江浦通快蕃商船舶輻湊往泊雖是知縣兼監
其華亭縣係繁難去處欲去依舊置監官一員管幹乞
從本司奏辟從之十二月十四日詔福建提舉市舶蔡
栢職事修舉可特轉一官勾當公事趙寘轉一官令再
任 三年十一月二十六日詔諸路市舶本錢並依茶
鹽錢已得指揮 四年五月九日詔應諸蕃國進奉物

依元豐法更不起發就本處出賣倘敢違戾市舶司官
以自盜論 七年三月十八日詔降給空名度牒廣南
福建路各五百道兩浙路三百道付逐路市舶司充折
博本錢仍每月具博買并抽解到數目申尚書省 高
宗建炎元年六月十三日詔市舶司多以無用之物枉
費國用取悅權近自今有以篤耨香指環瑪瑙猫兒眼
睛之類博買前來及有虧蕃商者皆重寘其罪令提刑
司按舉聞奏十四日詔兩浙福建路提舉市舶司併歸
轉運司令逐司將見在錢穀器皿等拘收具數申尚書
省十月二十三日承議郎李則言閩廣市舶舊法置場
抽解分為麤細二色般運入京其餘麤重難起發之物

本州打套出賣自大觀以來乃置庫收受務廣貯藏張
大數目其弊非一舊係細色網只是真珠龍腦之類每
一網五千兩其餘如犀牙紫礦乳香檀香之類盡係麤
色網每網一萬斤凡起一網差衙前一名管押支脚乘
贍家錢約計一百餘貫大觀已後犀牙紫礦之類皆變
作細色則是舊日一網分為之十二網多費官中脚乘
贍家錢三千餘貫乞將前項抽解麤色並令本州依時
價打套出賣盡作見錢椿管許諸客人就行在中納見
錢齋執兌便關子前來本州支請詔依舊餘依所乞
二年五月二十四日詔依舊復置兩湖福建路提舉市
舶司尚書省言併廢以來土人不便虧失數多故復置

之六月十日詔給度牒師號一十萬貫付福建路十萬貫付兩浙路專充市舶本錢十八日兩浙路提舉市舶吳說劄子契勘本司廨宇舊在杭州已經燒毀伏見杭州神霄宮依昨降朝旨廢罷見今空閑欲乞踏逐一位子量以本司頭子錢修葺安着一行官吏詔依仍不得過四十間七月八日詔兩浙路市舶司以降指揮減省冗費每遇海商住舶依舊例支送酒食罷每年燕犒其上供細色物貨並遵舊制團網起發罷步擔雇人廣南福建路市舶司準此十月十七日司農卿黃鑄奏臣聞元祐間故禮部尚書蘇軾奏乞依祖宗編敕杭明州並不許發船往高麗違者徒二年沒入財貨充賞併乞刪

除元豐八年九月內創立許海舶附帶外夷入貢及商
販一條並蒙朝廷一一施行臣近具海舶擅載外國入
貢條約稟之都省蒙劄付臣戒諭臣已取責船戶陳志
蔡周迪狀稱今後不得擅載如違徒二年財物沒官之
罪欲望特降處分下諸路轉運市舶司等處依應遵守
不許違戾從之 四年二月二十六日尚書省言廣南
路提舉市舶司言檢准敕節文廣南市舶司狀廣州司
舶庫逐日收支實貨錢物浩漸全藉監門官檢察欲乞
許從本司奏准無賊私罪文武官充廣州市舶庫監門
庶幾得人檢察杜絕侵盜之弊從之六月二十二日詔
諸路市舶司錢物今後並不許諸司官剽刷如違以徒

二年科罪

十月十四日提舉兩浙路市舶劉無極言

近准戶部符仰從長相度將秀州華亭縣市舶務移就通惠鎮具經久可行事狀保明申請施行今相度欲且存華亭縣市舶務却乞令通惠鎮稅務監官招邀船舶到岸即依市舶法就本州抽解每月於市舶務輪差專秤一名前去主管候將來見得通惠鎮商賈免稅剥之勞往來通快物貨興盛即將華亭市舶務移就本鎮置立詔依 紹興元年十一月二十六日提舉廣南路市舶張書言言契勘大食人使蒲亞里所進大象牙二百九株大犀三十五株在廣州市舶庫收管緣前件象牙各係五七十斤以上依市舶條例每斤價錢二貫六百

文九十四陌約用本錢五萬餘貫文省欲望詳酌如數
目稍多行在難以變轉即乞指揮起發一半令本司委
官秤估將一半就便搭息出賣取錢添同給還蒲亞里
本錢詔令張書言揀選大象牙一百株并犀玉十五株
起發赴行在准備解筭造帶宣賜臣僚使用餘依 二
年正月二十六日詔令戶部取會兩浙等三路提舉市
舶司酌中年分起發上京物數并抽解博買日用過錢
數及賣過物色若干等自權住起發後來所有抽解買
賣到息錢並依此開具申尚書省內兩浙係近便仍責
限回報先次措置三月三日詔兩浙提舉市舶移就秀
州華亭縣置司官屬供給令秀州應副 四月二十六

日戶部言據提舉廣南路市舶張書言劄子近年以來不蒙朝廷給降本錢而轉運司又取撥過本司見錢五萬貫文見今委實闕乏詔令禮部給降廣南東路空名度牒三百道紫衣兩字師號各一百道撥還本司充博買本錢支用六月二十一日廣南東路經略安撫提舉市舶司言廣州自祖宗以來興置市舶收課入倍於他路每年發船月分支破官錢管設津遣其蕃漢綱首作頭梢工等人各令與坐無不得其懽心非特營辦課利盖欲招徠外夷以致柔遠之意舊來或遇發船衆多及進貢之國併至量增添錢數亦不滿二百餘貫費用不多所說者衆今准建炎二年七月敕備坐前提舉兩制

市舶吳說劄子每年宴犒諸州所費不下三千餘貫委
是枉費緣吳說即不曾取會本路設蕃所費數目例蒙
指揮寢罷竊慮無以招懷遠人有違祖宗故事欲乞依
舊犒設從之 七月六日福建路安撫轉運提舉司奏
准紹興二年四月十一日德音勸會本路地狹民貧官
吏猥衆訪聞市舶只是泉一處舊來係守臣兼領今既
有提舉設屬置吏費耗祿廩其利之所入徒濟姦私而
公上所得無幾仰本路帥臣監司同共相度可與不可
廢罷條具聞奏遂司今相度到未置提舉官已前只是
本路轉運或提刑司官兼領比置官後所收課額元無
漏落兼每歲自八月以後至六月以前風信不順即無

販計及海南回船到岸其提舉司官吏於上項月分並各瑞開委是以廢還逐司詔依仍委本路提刑司魚領

八月六日詔市舶司廢罷其本司銀器錢物並令起

赴行在左藏庫送納舊管人吏以入仕年月日先後三

分中存留一分官吏請給舊費令提刑司取見元支窠

名每月支數依元窠名椿收訖具狀申尚書司屬官不

罷九月二十五日詔舊市舶司職事令福建提舉茶事

魚領前降令提刑司魚領指揮更不施行十月四日詔

福建提舉茶事司權移往泉州就舊提舉市舶司置司

將令來魚管市舶司職務繫銜三年六月四日戶部

言昨承朝直取會兩湖市舶司已前酌中年分起發上

京物數若干等數權往起發往來抽解轉買及一面賣
過物數所用本柄收到息錢並依此開具供申仍分明
聲說曾如何支使見在之數於何處椿管候比照驅考
有無虧損侵隱措置經久可行利害申尚書省本部行
下本司取會開具依應回報去後今據兩浙提舉市舶
司申本司契勘臨安府明溫州秀州華亭及責邈近日
場務昨因兵火實無以前文字供贖本司今依應將本
路收復以後建炎四年紹興元年二年內取紹興元年
酌中一年一路抽解博買貨物比附起發變賣收到本
息錢數目開具如後一本路諸州府市舶務五處紹興
元年一全年共抽解一十萬九百五十二斤零一十四

兩尺錢二字八半段等本部尋行驅考得雖有所收息
錢其間多有一面支使名色不一例各不見具致許支
條法比欲再行取會又恐內有違法擅支數目遷延月
日不肯依公回報若不別作擘劃又緣市舶務所管朝
廷錢物浩濶唯在提舉司檢察拘轄似此深恐得以侵
用因而損失財計今相度欲乞委湊西提刑司取索市
舶司自建炎四年以後應支使錢物窠名數干照并許
支條法指揮逐一子細驅磨將不合支破錢數依舊追
理撥還入官添助博買錢本仍乞令諸通判自今後遇
市舶務抽買客人物貨須管依條躬親入務同監官抽
買及自紹興三年為始歲終取會逐務開具的實買到

物貨名色數目用過本錢營運利息應支使錢物夾細
帳狀保明申湖西提刑司從本司取索驅考如稍有隱
漏不實之數並依無額上供法施行若逐州通判不依
法躬親入務同監官抽買亦乞今提刑司按劾施行詔
依七月一日詔廣南東路提舉市舶官今後遵守祖宗
舊制將中國有用之物如乳香藥物及民間常使香貨
並多數博買內乳香一色容筭尤廣所差官自當體國
招誘博買仍令戶部限三日將市舶司抽解博買舊法
參酌重別立定殿最賞罰條格具狀申尚書省以尚書
省言提舉官往往非其人致蕃商稀少理合講究故也
八月二十二日新差提舉廣南路市舶姚焯言蒙恩付

以南海船事唯蕃商物貨之職而已他不與焉今赴新任竊望入境後或見本路民間有的實利病乞依守臣五事例得以條具聞奏庶幾遠民咸喻德意從之九月九日詔廣南市舶庫錢物除朝廷指定取不合應付外其餘官司今後並不得取撥支使雖奉特旨亦聽本司執奏不行提舉姚焯言本司錢本多為轉運司盡旨取撥致無以應副蕃商故也十一月十二日戶部言諸路收買市舶司博易物色本錢欲依舊用坊場錢應副從之十二月十七日戶部言勘會三路市舶除依條抽解外蕃商販到乳香一色及牛皮筋角堪造軍器之物自當盡行博買其餘物貨若不權宜立定所起發案名

竊慮枉費脚乘欲令三路市舶司將今來立定名色計
置起發下項名件欲令起發赴行在送納金銀真珠玉
乳香牛皮筋角象牙犀腦子麝香沉香上中次箋香檀
香烏文木鵬砂朱砂木香人參丁香琉璃珊瑚蘇合油
白荳蔻牛黃腦朮臍龍涎香藤黃血竭華澄茄安息香
縮砂降真香肉荳蔻訶子舶上茴香茯苓菩薩香鹿茸
黑附子油腦菰蓉琥珀上等螺犀中等螺犀下等螺犀
水銀上等藥犀中等藥犀下等藥犀鹿速香赤倉腦米
腦腦泥木扎腦夾雜銀石碌白附子銅器銀器奇子南
蕃蘇木高州蘇木隨風子青木香乾薑川芎紅花雄黃
川椒石鍾乳瑠黃白木夾雜黃熟香頭上等生香茴香

烏牛角下
脫白牛角

烏牛角沙魚皮上等鹿皮魚膠海南蘇木熟速香畫黃
龜鼈皮魚鰓椰心簞蕃小花狹簞菱牙簞蕃顯布海南
基盤布海南吉貝布海南青花基盤皮單下色餅香海
南白布海南白布皮單揀香上色餅乳香中色餅香次
下色餅香上色袋香中色袋香下色袋香乳香塌香黑
塌香水濕黑塌香青基盤布紬生速香所削揀選低下
水濕黑塌香黃蠟松子榛子夾煎黃熟香頭白蕪夷山
茱萸茅朮防風杏仁五苓脂黃耆土牛膝毛絕布高麗
小布占城速香生熟香夾煎香上黃熟香中黃熟香下
箋香石斛下項名件欲令本處一面變賣薔薇水御碌
香蘆薈阿魏華撥史君子薏薏花肉桂桂花指環腦丁

香母扶律膏大風油加香路火丹子紫藤香蒿芹子荳
蔻黑蒿耨龜童沒藥天南星青桂頭秦皮橘皮鼈甲時
蘿官桂榆甘子益智高良薑甲香天竺黃草荳蔻藿香
紅豆草菓大腹子肉破故紙苓苓香蓬莪朮木鼈子石
決明木蘭皮丁香皮殼荳蔻烏藥柳桂桂皮檀香皮薑
黃相思子蒼朮青椿香幽香桂心大片香薑黃熟纏末
潮腦三賴子龜頭枝實密木檀香纏丁香枝白膠香椿
香頭鷄骨香龜同香白芷亞濕香木蘭茸烏黑香麝熟
香下等丁香下等冒頭香下等麝香頭下等青桂片香
麝香木蕃檳榔肉連皮檳榔舊香連皮大復麝熟香頭
海桐皮松搭子犀蹄土半夏常山薤仁遠志暫香下連

香下黃熟香照依

五年閏二月八日詔市舶務監官

并見任官詭名買市舶司及彊買客旅舶貨以違制論
仍不以赦降原減許人告賞錢一百貫提舉官知通不
舉劾減犯人罪二等 六年十二月十三日詔蕃舶綱
首蔡景芳特與補承信郎以福建路提舉市舶司言景
芳招誘販到物貨自建炎元年至紹興四年收淨利錢
九十八萬餘貫乞推恩故也二十九日戶部言兩浙市
舶司申看詳到泉州相度乞今後蕃商販到諸雜香藥
除抽解外取願不以多少博買外其抽解將細色直錢
之物依法十分抽解一分其餘麤色並以十五分抽解
一分若依所乞即於本路委是利便等事送戶部勘當

本部言欲下三路市舶司更切契勘如委實可行不致虧損課息即依所乞施行仍仰今後博買物貨照應前後節次已降指揮博買施行毋致枉有占壓本錢除象牙乳香真真珠犀係是實寶貨之物合依舊分數抽解外其諸雜香藥物貨欲依已勘當事理施行詔依 七

年七月二日三省言紹興七年三月二十一日敕節文監司大藩節鎮知州差初任通判資序以上人軍事州軍監第二任知縣資序以上人檢準紹興敕諸稱監司謂轉運提點刑獄其提點坑冶鑄錢茶鹽市舶未有該載詔提舉坑冶鑄錢依監司茶鹽市舶依軍州事已降指揮施行閏十月三日上曰市舶之利寔厚若措置合

宜所得動以百萬計豈不勝取之於民朕所以留意於此庶幾可以少寬民力爾先是詔令知廣州連南夫條具市舶之弊南夫奏至其一項市舶司全藉蕃商來往貨易而大商蒲亞里者既至廣州有右武大夫曾納利其財以妹嫁之亞里因留不歸上今委南夫勸誘亞里歸國往來幹運蕃貨故聖諭及之 八年七月十六日臣寮言廣南福建兩瀕市舶司抽買到市舶香藥物貨依紹興六年四月九日朝旨立定合起發本色并令本本處一面變轉價錢赴行在送納名件緣合起發內尚有民間使用稀少等名色若行起發竊慮枉費脚乘及虧損官錢詔令逐路市舶司如抽買到和劑局無用并

臨安府民間使用稀少物貨更不起發本色一面變轉
價錢赴行在庫務送納內廣南福建路仍起輕齋十
一年十一月戶部言重行裁定布市舶香藥名色仰依合
起發名件湏管依限起發前來所是本處變賣物貨除
將自來條格內該載合充循環本錢外其餘遵依已降
指揮計置起發施行不管違戾合赴行在送納可以出
賣物色細色呵子中箋香沒藥破故紙丁香木香茴香
茯苓玳瑁鵬砂蔣蘿紫礦瑪瑙水銀天竺黃末硃砂人
參鼈皮銀子下箋香片子銅器銀珠熟速香帶根丁香
桔梗澤瀉扶神金舶上茴香中熟速香玉乳香麝香夾
雜金夾雜銀沉香上箋香次箋香鹿茸珊瑚蘇合油牛

黃血竭 腦朮 腦龍涎香 華澄茄 安息香 琥珀 雄黃 鍾乳
石 薔薇水 蘆薈 阿魏 黑篤 耨 鱉甲 篤 耨 香皮 篤 耨 香沒
石 子 雌黃 鷄舌香 香螺 奄 葫蘆 芭 翡翠 金顏香 畫黃白
豈 寇龍腦有九等 熟腦 梅花腦 米腦 白蒼腦

油腦 赤蒼腦 腦泥 鹿速腦 木扎腦 麝色

胡椒 檀香 夾箋香 黃蠟 黃熟香 吉貝布 襪面布 香米 縮
砂 乾薑 蓬莪朮 生香 斷白香 藿香 華 揆 益智 木 藍子 降
真香 桂皮 木綿 史君子肉 豈 寇 檳榔 青橘皮 小布 大布
白 錫 甘草 荆三稜 碎箋香 防風 藟 醬次 黃熟香 烏里香
冒頭香 三穎子 青苧布 下生香 丁香 海桐皮 蕃青 班布
下等 冒頭香 下等 五里香 苓牙 簞修 割香 中生香 白附

子白熟布白細布山桂皮暫香帶枝檀香鉛上茴香烏
香牛齒香半夏芍藥布石礪紫藤香官桂桂花花藤麝
香紅豈高良薑藤黃黃熟香頭叙藤黃熟香片螺頭斬
剉香生香片水藤皮蒼朮紅花片藤瑠疏水盤頭赤魚
鱉香纏小片水盤頭杏仁紅橘皮二香大片香糖霜天
南星松子麝小布大片水盤香中水盤香樟腦青桂香
斧口香白苧布鞋面布丁香皮草菓生苧布土檀香青
花蕃布蕤蓉螺犀隨風子紬丁海母龜同亞濕香菩提
子鹿角蛤蚧洗銀珠花梨木瑠璃珠椰心簞犀蹄蕃糖
師子綏枝實麝重枉費脚乘宋木大蘇木小蘇木硫磺
白藤棒修截香青桂頭香蕃蘇木

蘇木

鑊鐵白藤麕鐵水藤坯子大腹子薑黃麝香木跳子鷄
骨香大腹檀香皮把麻倭板倭板板頭薄板板掘短板
肩椰子長薄板合葦火丹子蛙蛄乾倭合山枝子白檀
木黃丹麝檀木苧麻蘇木稍靱相思子倭梨木槓藤子
滑皮松香螺殼連皮大腹吉貝花布吉貝紗瓊枝菜砂
黃麕生香琉黃泥黃木柱短小零板杉枋厚板松枋海
松板木枋厚板令赤藤厚枋海松枋長小零板板頭松
花小螺殼麕黑小布杉板狹小枋令團合雜木柱枝條
蘇木水藤蔑三抄香團鐵脚珠蘇木脚生羊梗黃絲火
枚煎盤黑附子油腦藥犀青木香白朮蕃小花狹葦海
南白布單青蕃碁盤小布白蕪蕘山茱萸茅朮五苓脂

黃耆毛施布生熟香石斛大風油秦皮草苴菴烏藥香
白芷木蘭茸蕤仁遠志海螺皮生薑黃芩龍骨草枕頭
土琥珀冷餅密木白眼香鬱香鐵熨斗土鍋苴菴花砂
魚皮拍還腦香栢皮黃漆滑石蔓荊子金毛狗脊五加
皮榆甘子菖蒲土牛膝甲香加路香石花菜麝絲蠶頭
大價香五倍細辛韶腦舊香御碌香大風子檀香皮纏
香皮纏末大食芎崙梅董陸香召亭枝龜頭犀香苴根
白腦香生香片舶上蘇木水盤頭幽香蕃頭布海南基
盤布海南青花布皮單長木長倭條短板肩二十三日
臣寮言廣東福建路轉運司遇船舶起發差本司屬官
一員臨時點檢仍差不干碍官一員覺察至海口俟其

放洋方得回歸如所委官或縱容般載銅錢並乞顯罰

以為慢令之戒詔下刑部立法刑部立到法諸船舶起

發販蕃及外蕃船司人使回蕃船同所屬先報轉運司差不干礙官一

員躬親點檢不得夾帶銅錢出中國界仍差通判一員

謂不干預市舶職事者覆視候其船放洋方得回歸諸

船舶起發販蕃及外蕃船同所委點檢官覆視官同容

縱夾帶銅錢出中國界首者依知情引領停藏負載人

法決三覺察者即覆視官不候其船放洋而輒回者徒一

年從之十二年十二月十八日詔福建路提舉市舶

令見任官專一提舉其已差下替人令疾速赴任專一

提舉茶事福建路提舉市舶司昨自紹興二年廢罷遂

令提舉茶事司兼領就泉州置司時朝廷措置福建臘
茶欲就行在置局給賣於是通判臨安府呂斌言乞將
福建路茶事司依舊復歸建州專一主管買發臘茶而
戶部言今將提舉市舶司未廢併以前官吏今量減孔
目官手分各一名外每月約支錢止三百九十貫米止
十七碩比之茶事司見請錢米其錢歲減二千四百六
十貫米減一百二十六碩故有是詔 十四年九月六
日提舉福建路市舶樓鑾言臣昨任廣南市舶司每年
於十月內依例支破實錢三百貫文排辦筵宴係本司
提舉官同守臣犒設諸國蕃商等今來福建市舶司每
年止量支錢委市舶監官脩辦宴設委是禮意與廣南

不同欲乞依廣南市舶司體例每年於遣發蕃舶之際
宴設諸國蕃商以示朝廷招徠遠人之意從之 十五
年十二月十八日詔江陰軍依温州例置市舶務以見
任官一員兼管從本路提舉市舶司請也 十六年四
月十日提舉福建路市舶曹泳言乞今後本路沿海令
佐巡尉批書內添入本地分內無透漏市舶物貨一項
所屬得本司保明方得批書及州縣有承勘市舶透漏
公事如或減裂詳本司奏劾從之九月二十五日宰執
進呈廣南市舶司繳進三佛齋國王寄市舶官書且言
近年商販乳香頗有虧損上曰市舶之利頗助國用宜
循舊法以招徠遠人阜通貨賄於是降右朝散大夫提

舉福建路常平茶事素復一一官以前任廣南市舶虧損蕃商物價故有是命十七年十一月四日詔三路市舶司今後蕃商販到龍腦沉香丁香白荳蔻四色並依舊抽解一分餘數依舊法施行先是紹興十四年一時措置抽解四分以市舶司言蕃商陳訢抽解太重故降是旨十八年閏八月十七日詔明秀州華亭市舶務監官除正官外其添差官內許從市舶司每務移差官一員前去温州江陰軍市舶務專充監官主管抽買舶貨收支錢物仍與理為本任從提舉市舶司周奕請也二十一年閏四月四日右中奉大夫直顯謨閣知撫州李莊除提舉福建市舶上曰提舉市舶官委奇非輕

若用非其人則措置失當海商不至矣莊可發來赴闕
稟議然後之任七月八日廣南市舶司言廣州通判二
員主管市舶職事比之幹辦公事職事為簡乞將通判
賞減定依幹辦公事官一等推賞詔下本司上差通判
一員主管市舶職事其賞依本司所乞與幹辦公事一
等比監官條法減半推賞施行 二十七年六月一日
宰執進呈戶部措廣南銅錢出界事上曰廣南市舶司
遞年有蕃商息錢如及額許補官此祖宗舊制前兩年
有陳乞推恩人朝廷不與恐緣此蕃商不至今後可與
依舊例推恩即非創立法制 二十九年九月二日宰
執進呈御史臺檢法官張闡論市舶事上曰廣南福建兩

測三路市舶條法恐各不同宜令逐司先次開具來上
當委官詳定朕嘗聞開市舶司歲入幾何聞奏抽解與
和買以歲計之約得二百緡如此即三路所入固已不
少皆在常賦之外未知戶部如何收附又如何使等宜取見實
數以聞湯思退奏曰謹當遵依聖訓行下逐路舶司抄
錄條法并令取見收支實數俟到條數聞奏以御史臺
檢法官張闡言比者叨領舶司僅及二載竊嘗求其利
害之灼然者無若法令之未修何當福建廣南各置務
於一州兩測市舶務及分建於五所三路市舶相去各
數千里初無一定之法或本於一司之申請而他司有
不及知或出於一時之建明而異時有不可用監官之

或專或兼人吏之或多或寡待夷夏之商或同而或異立賞刑之制或重而或輕以至住舶於非發舶之所有禁有不禁買物於非產物之地有許有不許若此之類不可槩舉故官吏無所遵守商賈莫知適從姦吏舞文遠人被害其為患深欲望有司取前後累降指揮及三路節次申請釐析刪修著為一司條制故上諭及之

孝宗^隆興元年十二月十三日臣寮言船舶物貨已經抽解不許再行收稅係是舊法緣近來州郡密令場務勒商人將抽解餘物重稅却致冒法透漏所失倍多宜行約束庶官私無虧興販益廣戶部者詳在法應抽解物不出州界貨賣更行收稅者以違制論不以去官赦

降原減欲下廣州福見兩漕轉運司并市舶司鈐束所屬州縣場務遵守見行條法指揮施行從之 二年七月二十五日臣寮言熙寧初創立市舶一司所以來遠人通物貨也舊法抽解既有定數又寬期納稅使之待價比招致之方也邇來州郡官吏趣辦抽解之外又多名色魚迫其輸納貨滯則減價求售所得無幾恐商旅自此不行欲望戒敕州郡推明神宗皇帝立法之意使商賈懋遷以助國用從之繼而戶部欲行廣南福建兩漕路轉運司并市舶司鈐束所屬州縣場務遵守見行條法施行毋致違戾八月十三日兩漕市舶司申條具利害一抽解舊法十五取一其後十取其一又其後擇

其良者謂如犀象十分抽二分又博買四分真珠十分抽一分又博買六分之類船戶懼抽買數多所販止是麤色雜貨照得象牙珠犀係細色抽買比他貨至重非所以來遠人欲乞十分抽解一分更不博買一三路船船各有置司去處舊法召保給公憑起發回日繳納仍各歸發船處抽解近緣兩湖市船司事爭利申請令隨便住船變賣遂壞成法深屬不便乞行下三路照應舊法施行一商賈由海道興販諸蕃及海南州縣近立限回舶緣其間或有盜賊風波逃亡事故不能如期難以立定程限今欲乞召物力戶充保自給公憑日為始苦在五月內回舶與優饒抽稅如滿一年內不在饒稅之

限滿一年已上許從本司根究責罰施行若有透漏元
保物力戶並當坐罪從之 乾道二年五月十四日兩
淞路市舶司言建炎三年四月四日指揮應販市舶香
藥給引付人戶遇經過收稅去處依此批鑒免兩州商
稅當來失寫物貨二字致被稅務阻節乞於香藥字下
添入物貨二字詔依仍令人戶於出給支引內從實開
坐所販名件數目齎執前去六月三日詔罷兩淞路提
舉市舶司所有逐處抽解職事委知通判縣監官同行
檢稅而總其數令轉運司提督先是臣僚言兩淞路惟
臨安府明州秀州温州江陰軍五處有市舶祖宗舊制
有市舶處知州帶魚提舉市舶務通判帶主管知縣帶

監而逐務又各有監官市舶置司乃在華亭近年遇明
州舶船到提舉官者帶一司公吏留明州數月名為抽
解其實搔擾餘州瘠薄處終任不到可謂素餐今福建
廣南路皆有市舶司物貨浩瀚置官提舉誠所當宜惟
是兩浙路置官委是冗蠹乞賜廢罷故有是命二十七
日兩浙轉運使姜詵言奉旨提督兩浙市舶事務今條
具下項一今來市舶司廢罷行移文字欲就用轉運司
印記元印合行繳納一市舶司每歲天申聖節及大禮
各有進奉銀絹欲依舊例將市舶錢收買發納一市舶
司元於見任官內差一員兼主管文字點檢帳狀今欲
就委轉運司屬官提舉官廨宇今欲充市舶務庫安頓

官物舊務却有監官廨宇一市舶司元管都吏前後行
貼司書表客司共一十一名今欲於内存置前行手分
貼司各一名其餘並罷從之 三年四月三日姜詵言
明州市舶務每歲夏汎高麗日本外國船舶到來依例
提舉市舶官於四月初親去檢察抽解金珠等起發上
件今來撥隸轉運司提督欲選差本司屬官一員前去
從之二十二日詔廣南兩浙市舶司所發船回日內有
妄托風水不便船身破漏樯桅損壞即不得拘截抽解
若有別路市舶司所發船前來泉州亦不得拘截即妄
官押發離岸回元來請公驗去抽解從福建路市舶程
祐之請也十二月二十三日詔令福建市舶司於泉漳

福州興化軍應合起赴左藏西庫上供銀內不以是何
窠名截撥二十五萬貫專充抽買乳香等本錢從工部
侍郎提領左藏南庫姜詵請也 七年十月十三日詔
今後廣南市舶司起發麝香藥物貨每綱以二萬斤
正六百斤耗為一綱依舊例支破水脚錢一千六百六
十二貫三百三十七文省限五箇月到行在交納如別
無欠損違限依押乳香三十斤推賞其差募官管押等
並依見行條法指揮從戶部尚書魯懷之請也 九年
七月十二日詔廣南路提舉市舶司申乞於瓊州置主
管官指揮更不施行先是提舉黃良心言欲創置廣南
路提舉市舶司主管官一員專一覺察市舶之弊并催

起回船抽解於瓊州置司臣僚言昔貞元中嶺南以船
船多往安南欲差判官往安南收市陸贄以謂示貪風
於天下其事遂寢遣官收市猶不可况設官以漁利乎
故有是命 淳熙元年七月十二日戶部侍郎蔡誥言
乞委幹辦諸軍審計司趙汝誼往臨安府明秀溫州市
船務將抽解博買合起上供并積年合變賣物貨根括
見數解赴行在所屬送納趁時出賣從之既而汝誼申
若盡數起發切恐無本博易乞為量留詔存留五分十
月十日提舉福建路市舶司言船司素有鬻綱之弊部
綱官皆求得之換易偷盜折欠稽遲無所不有今乞將
細色步檐綱運差本路司戶丞簿合差出官押廳色海

道綱運選差諸州使臣諳曉海道之人管押其得替待
闕官不許差從之

二年市船張堅有請以見任官可
差出者乞依舊差待闕官從之

二年二月二十七日戶部言市船司管押綱運官推賞
今措置欲令福建廣南路市船司覈細物貨並以五萬
斤為一全綱福建限三月程廣南路限六月程到行在無
欠損與比做押錢帛指揮推賞如不及全綱以五斤為
則作十分組計亦依押錢帛綱地里格法等第推賞從
之十二月五日提舉福建路市船蘇峴言近降旨揮蕃
商止許於市船置司所貿易不得出境此令一下其徒
有失所之憂乞自今諸蕃貨物既經征權之後有往他
者召保經船司陳狀疏其名件給據付之許令就福建

路州軍興販從之

六年正月二十二日詔前廣州鄭

人傑特降三官

以人傑任內透漏銅錢

二十三日詔復

置光州中渡市推場主管官兩員從朝廷於文武官內

選差一次既而宰臣趙雄等言光州復置中渡推場官

御前恐有曾經在推場幹事人可以差充監司庶可檢

察禁物不令過界上曰御前自來不曾差人在淮上買

物如淮自北界之屬宮中並無令推場官卿等宜一面

選差須戒其禁絕銅錢等違禁之物過界於任內無透

漏當與陞擢差遣 七年八月三日臣僚言黎州塞外

諸戎多以珠玉犀麝之屬互市任官自欲收買減尅時

直囑付牙僧不許外人增價贖貨啟怨引惹邊事乞行

禁約詔守倖輒買者令諸司按劾州縣官令守臣按劾
監司違戾許行互察 十一年十二月十四日中書門
下省檢會淳熙十年九月已降指揮今後與蕃商
博易解鹽之人徒二年二十斤加一等徒罪皆配鄴州
流罪皆配五百里知情引領停藏人為同罪許人捕若
知情引領負載減犯人罪一等仍依犯人所配地里編
管許人告透漏官司及巡察人各杖一百獲犯人并知
情引領停藏人徒罪賞錢二百貫流罪三百貫如告獲
知情負載人減半其提舉官并守令失覺察並取旨重
作施行詔令逐路提舉官并州軍守臣各照應已降指
揮常切覺察禁止毋令違犯每季檢舉多出文勝曉諭

十三年十一月二十七日宰執進呈前知雷州蘇訥
奏廣西軍寨向來有回易處蓋以脩一寨之用即無差
人在外之例兵官貪婪者不循三尺差破兵卒已私所
差兵卒因而彊買貨物多致生事乞今本路軍寨舊有
回易處只於本寨置局不許輒差兵卒出外因而營私
上曰此說可採可嚴行禁戢毋致擾民 十五年九月
二十四日宰執進呈四川制置司相度永康軍置博易
場不便事上曰博易場是不可置非惟引惹生事不廉
之吏便啓貪心十一月二十二日知盱軍葛拱言臣
僚奏陳發客過淮關防更夜之弊奉旨令葛拱日下措
置聞奏契勘本軍與北界泗州對境設置推場每遇客

人上場通貨已自互相結甲五人每一保擁場書填甲
帖付保頭收管擁場又開到申數客人單名物貨件段牒
付淮河渡本渡憑公牒辨驗甲帖真偽同擁場主管官
并本軍所差官當面逐一照名搜檢隨身并應干行貨
若無夾帶禁物方得過淮其渡口搜檢官合千人并渡
載棹梢各與來往客人相熟自是不容夾帶外來姦細
作過之人本軍前後措置關防非不嚴脩止緣冬間日
畧向短客人過淮不許經宿商議交易彼此圖利難便
圖就是致遲延有至夜晚日分今措置令擁場每兩日
一次發運每場不得過五百人遇放客日須管侵晨裝
發給由淮河渡衆官搜檢通放至日未沒前向載盡數

過淮如有般未了物貨於次日裝發及再行傳語泗州
已從本軍措置所有溝壩才候來年春暖即便開撩從
之 紹熙元年三月八日臣僚言福建市舶司每歲所
發網運有麤細色陸路網有麤色海道網其押網官並
無酬賞至於海網人畏風濤多不願行每差副尉小使
臣多有侵欺貿易之弊竊見饒州錢監起發錢綱網官
押及二萬三千貫地滿三千里例減磨勘二年錢寶與
香貨所以助國家經常之費況錢由江行香由海行乞
今後市舶司網官押海道麤色綱及十萬斤委無少欠
乞紐計價直比附錢綱推賞從之 開禧元年八月九
日提轄行在權貨務都茶場趙善謐言泉廣招買乳香

緣船司闕之不隨時支還本錢或官吏除剋致有規避博買詐作飄風前來明秀江陰船司巧作他物抽解收稅私賣撓奪國課乞下廣福市舶司多方招誘申給度牒變賣給還價錢仍下明秀江陰三市舶遇蕃船回舶乳香到岸盡數博買不得容令私賣從之十月十一日詔泉廣市舶司將逐年博買蕃商乳香自開禧二年為始權住博買三年正月七日前知南雄州聶周臣言泉廣各置舶司以通蕃商比年蕃船抵岸既有抽解合許從便貨賣今所隸官司擇其精者售以低價諸司官屬復相囑託名曰和買獲利既薄怨望愈深所以比年蕃船頗踈征稅暗損乞申飭泉廣市舶司照條抽解和

買入官外其餘貨物不得毫髮拘留巧作名色違法抑
買如違許蕃商越訴犯者計賊坐罪仍令比近監司專
一覺察從之 嘉定六年四月七日兩漕轉運司言臨
安府市舶務有客人於泉廣蕃名下轉買已經抽解胡
椒降真香縮砂荳蔻蘆香等物給到泉廣市舶司公引
立定限日指往臨安府市舶務住賣從例係市舶務收
索公引具申本司委通判主管官照檢比照元引色額
數目一同發赴臨安府都稅務收稅放行出賣如有不
同并引外出剩之數即照條抽解將收到錢分隸起發
上供今承指揮船舶到臨安府不得抽解收稅差人押
回有船舶司州軍即未審前項轉販泉廣已經抽解有引

物貨船隻合與不合抽解收稅詔令戶部今後不得出
給興販海南物貨公憑許回臨安府抽解如有日前已
經出給公憑客人到來並勒赴慶元府住船應客人日
後欲陳乞往海南州軍興販止許經慶元府給公憑申
轉運司照條施行自餘州軍不得出給其自泉廣轉買
到香貨等物許經本路市舶司給引赴臨安府市舶務
抽解住賣即不得將元來船隻再販物貨往泉廣州軍
仍令臨安府轉運司一體禁戢從之

全唐文

宋會要

治平四年

神宗即位未改元

五月八日新河北體量安撫使陳

薦言皇祐初河北荐饑朝廷輟汴綱米七十餘萬石漕

黃河以濟一方之民欲乞依例輟米三十萬石轉漕至

澶衛州通利軍北京賑濟兼聞河北糴使司頗有陳積

糧斛乞候臣至本路借支貸糧戶二石以所輟米撥還

從之治平元年五月二十一日三司言河北都轉運使

趙汴乞罷提點刑獄都提舉糴使望委轉運司管勾從

之神宗熙寧二年八月十八日龍圖閣直學士陳薦

言聞河朔今歲豐稔倍常物價必賤欲乞指揮河北糴

便官量增市直收糴從之十月二十七日知滑州蔡挺
言本路秋稼大勝常時可因此計置糧草然臣所受旨
但提舉糴買而已自餘皆轉運司施行臣不關與僅於
元指揮內更少假以事權庶幾施為稍獲辦事詔挺具
所見糴買利害以聞十二月十八日河北糴使司言熙
寧二年沿邊軍糧準朝旨糴三百三十萬石草四百萬
束約度未至有備乞增糴軍糧五十萬石草二百萬束
從之三年十二月九日詔河北糴使司置勾當官一
員十年十二月十日詔河北沿邊米價騰貴轉運使
糴使司尚增錢召人入中不惟使逐熟細民艱食又糜
公錢以資豪右可速指揮如軍糧可支二年即權住收

糴 元豐元年九月二十七日三司請於糴使司權住
糴鈔錢內更撥錢十萬緡應副河北路轉運司來時收
糴軍粮從之二十九日同知樞密院事薛向請下提舉
糴使司糴民所自糴米粟及坐倉入官仍依諸軍所請
用見錢坐倉收糴從之 二年正月十四日詔司農寺
市易淤田水利司封樁粮斛並允換與河北糴使司更
不計置三月八日提舉河北糴使粮草王予淵言糴沿
邊軍儲皆商人入中歲小不登必邀厚價故設內地州
縣寄糴之法以權重輕自內地用御河船運至沿邊且
以熙寧八年言之綱船三百用兵士幾二千人所運不
及八萬石計綱船兵工約一斗已費錢七十矣若僥私

船百里之地斗才一錢三分至五分率以千里之遠計之猶可省綱船所費之半宜雇客船便下三司議三司請留綱船二百二十艘應副般運不足即如于淵議從之九月十二日詔提舉河北糴便糧草司按並邊被水州縣如軍食有備權住糴賜末鹽錢二十萬緡付河東轉運司三年六月四日詔三司選官措置河北糴便四年八月三日以提舉河北路糴便糧草承議郎王子淵權河北西路提點刑獄兼提舉糴便糧草七年五月二十四日尚書戶部言河北轉運司借支河北糴便司封樁及舊糴便司三司封樁糧六十餘萬石無寬剩錢物撥還乞除放照通限十年還指宗元祐元年五

月一日戶部尚書李常言河北舊有糴使司專置提舉官經制邊備後止令轉運司兼領以措置為名按糴本錢不預漕計難俾兼領請復置提舉糴使司詔可其措置司職事令提舉糴使司與轉運司通管八月十四日戶部言欲支撥糴使司見錢二十萬貫應副河北路轉運糴買從之五年九月二十四日詔措置河北糴使司職事令提舉河北糴使司一面管當結絕轉運司更不兼管十二月二十二日詔提舉河北糴使糧草以三十月為任紹聖二年四月二十七日詔復置河北措置糴使司三年四月十三日詔罷河北提舉糴使司就差提舉河北路糴使糧草王子京同措置糴使以兩

司競羅枉增價直動多相妨故有是詔十一月九日以河北路轉運副使邵毓兼措置羅便四年九月四日詔河北轉運司措置羅便司西路提舉常平司於遂州就便去處乘時多方計置元符元年二月四日戶部言河北措置羅便司狀趙州羅倉闕到措置司羅本文鈔每一十貫加饒錢三百文轉運司羅本文鈔每一十貫加饒錢七百文加饒不同便錢斛斗價亦高下不一今相度乞將本司文鈔依轉運司例實一百貫文並支加饒錢七貫文本部相度一州兩司用鈔加饒不同乞將今後立定加饒每一百貫文支錢三貫文從之八月十三日戶部言河北措置羅便司封樁羅本錢物除朝

廷外不許他司取索其諸州亦不得輒報如準朝旨申
本司施行從之 三年五月二十四日知定州竇文開
直學士路昌衡奏糴使司乞不令轉運司兼領從之國
初以沿邊十七州軍蠲減稅賦年計不足故歲賜鈔錢
二百萬并十七州軍稅賦悉糴使司專領所以轉運司
不能侵漁後併為一司非便故昌衡以為請十一月九
日詔河北措置與提舉糴使各為一司 徽宗大觀二
年十二月二十一日上批河北連年豐稔今歲大熟兼
并射利姦猾乘間高估物價分盜緡錢軍儲雖已積二
十萬石而增糴之數猶未敷額可檢會元豐置司措置
糴使條例委煊幹官一員提舉仍令條具疾速聞奏勘

會除已有元豐條例外詔徽猷閣待制王粲充河北路
都轉運使專切提舉雜便糧草

解正字
鮮俗字

全唐文

宋會要

神宗熙寧二年七月七日知河中府蔡延慶言乞下解
鹽司相度按揚自來煎煉私鹽地分置煎鹽戶煎煉歸官
每斤依鄉原例支價錢依解鹽出賣如敢私賣依私鹽
法上曰此恐不可施行然要詳盡利害且令陝西轉運
司制置解鹽司各具相度以聞元豐三年六月五日
三司言提舉解鹽司自熙寧八年至元豐元年收息
錢拾陸萬伍仟柒佰緡提舉言殿中丞張景溫勾當官
右班殿直呂達各遷一官餘減磨勘二年吏賜帛有差
四年四月十三日陝西路制置解鹽司言解鹽歲增

錢準條作熟鈔召人中買內陸萬緡令三司封樁去年
三司封樁歲增錢陸萬緡凡為鈔玖仟柒百伍拾壹席
今民間鈔多價賤若更變賣恐轉損鈔價見鈔乞納三
司更不出從之并所增經制轉運司合得陸萬緡亦令
納三司自今後並權住給鈔十二月二十二日詔提舉
江西廣南鹽事司蹇周輔已差充河北都轉運使更不
差提舉鹽事官令廣南東路轉運判官程之邵江南西
路轉運司提舉鹽事司及合屬處依已降條約悉力奉
行毋得有虧歲課五年十月十九日詔宣義郎張元
方提舉出賣解鹽及提舉巡捉私鹽相度措置於鹹地
六年十一月十二日廣南東路轉運副使高錡言本

路賣鹽場務多虧欠欲依陸路鹽法就差逐州主管官
為鹽官考較功過賞罰乞令提點刑獄兼提舉鹽事從
之 哲宗元祐六年七月八日三省陝西制置解鹽司
舊專設官總領後來方令轉運使一員兼管致職務下
專有害鈔法乞依舊差官專充制置解鹽使從之八月
二十二日命復置解鹽使依諸路轉運副使資序 七
年十月二十二日權發遣陝府西路轉運副使陳元直
專切提舉出賣解鹽 紹聖元年六月七日陝西路轉
運司言相度制置解鹽從來令轉運使副兼別無闕曠
鹽司錢物並係朝廷臨時指揮支給於轉運司亦別無
侵耗其制置解鹽司專官可廢罷從之 二年十二月

解

三日提舉出賣解鹽司言本司管勾賣鹽官合依舊以
常平主管官兼領從之元符二年九月二十五日詔差
陝西轉運副使兼制置解鹽使博相度鹽地開河并修
月堰 徽宗建中靖國元年二月十三日權發遣虢州
孫陞權發遣陝府西路轉運副使兼制置解鹽使 大
觀四年八月六日中書省言奉御筆見議鈔法將欲頒
行逐路專委運副一員推行數內陝西路仍委制置解
鹽司官同共措置在京并永興軍兩處買鈔場合用監
官二員並堂除選差一員委戶部郎官一員提舉買鈔
又還客人錢物催促印給三路文鈔應干事務詔提舉
買鈔差戶部員外郎李友聞諸路提舉解鹽官陝西路

差權發遣陝府西路計度轉運副使公事陳敦復同提
舉^解鹽官河東路差權發遣河東路提點刑獄公事王
勤京西路差權發遣京西路轉運使張杲權貨務買鈔
官差宣德郎鮑嗣宗陝西路買鈔官差奉議郎蹇競辰

全唐文

宋會要
經制使

神宗熙寧十年八月六日詔入內副都知李憲權發遣秦鳳等路轉運副使趙濟同經制熙河路邊防財利許舉勾當公事文武官五員如事干經畧安撫司即連書以聞十二月七日詔經制熙河路邊防財用司條上利害事內有可行者宜先行下庶於因事可及時經畫以助邊費時以熙河用度不足仰度支供億於是命入內都知李憲置領經制財用司中書具憲所條上可施行者凡十四事如所奏行之十一日以秦鳳等路提點刑獄駕部員外郎霍翔兼同管勾經制熙河路邊防

財用事其提舉官莊及營田弓箭手公事並罷悉歸本
司十八日詔近下經制熙河路財用司畫一治田等事
聞所降指揮已入通付熙州治所緣本司官李憲見在
京師宜別錄本速劄下庶令及時早得行遣二十五日
詔經制熙河路邊財用司兼秦鳳路財利事及置市易
務不隸都提舉市易司其熙河秦鳳路市易務並罷二
十七日經制熙河路邊防財用司言州軍城寨各有蕃
部弓箭手官莊營田水利等事務繁多乞依常平司逐
州軍差通判或職官一員逐城寨選使臣一員充管勾
官從之元豐元年正月十七日詔經制熙河路邊防
財用司增秦鳳路行熙河路事稱經制熙河路邊防財

用司行秦鳳路事稱經制秦鳳路財用司御筆改用作

利字

並改作用不利據御筆批後却

十九日詔經制熙河路

邊防財用司根括冒耕地為官莊限半年聽民自陳其

方田更不施行 二十二日詔秦鳳等路轉運副使同

經制熙河路邊防財用太常博士趙濟候經畫就緒與

除官職 閏正月二十八日八內副都知經制熙河路

邊防財用等事李憲言同經制官及同主管經制官分

巡所至州軍各稱行司官吏上下難以遵稟乞同經制

官已下凡遇分巡如事干邊防蕃部弓箭手及差移官

吏勾抽役兵改易措置候回本司與長吏從長商議所

貴上下易於稟從從之仍許憲衙內增都大二字本司

主管官並用申狀十二月八日經制熙河邊防財用司
言本司推行事務各已有緒乞自明年管一路歲計用
度詔具經制歲入若干以聞已而本司奏約以元豐二
年所入錢糧計百餘萬貫石 三年正月十一日經制
熙河路邊防財用司言置司以來實收利入元豐元年
四十一萬四千六百二十六貫石二年六十八萬四千
九十九貫石四月五日詔陝西轉運司熙河一路錢帛
芻糧並交與經制司管認緣經制財用職事舉廢官吏
亦令經制司施行九月十三日雍熙遣永興軍等路提
點刑獄葉康直減磨勘二年以經制熙河邊防財用司
奏收課利功也 五年四月十二日權管勾涇原路轉

運判官兼同管勾經制熙河路邊防財用承議郎胡宗
哲降授承事郎權發遣同經制熙河路邊防財用通直
郎馬申降授承務郎展磨甚八年坐闕軍前糧餉也

六年七月十三日經制熙河蘭會路邊防財用司言乞
於蘭州添置市易務支撥錢本計置物貨應接漢蕃人
戶交易因以增助邊計從之十一月八日詔經制熙河
蘭會路邊防財用司都大提舉視轉運使主管視轉運
判官 七年八月三日權發遣同經制熙河蘭會路邊
防財用司申乞免熙河路封樁新後五州軍額禁軍請
受詔自今更不封樁其已封樁者撥與經制司十月三
日經制熙河蘭會路邊防財用司言雜買全在冬春之

交乞十月後印給次年監鈔限正月至本路下尚書戶部戶部言若本路預得鈔招誘入中牽制秦鳳等四路鈔價乞依秦鳳等路吏部差使臣於正月下旬押赴經制司從之十二月九日詔陝西買馬隸經制熙河蘭會路邊防財用司元祐元年正月十二日詔朝請大夫監在京皮角四場庫務孫路朝奉大夫權都大提舉清河輦運公事穆衍相度措置熙河蘭會路經制財用司事三月二十八日詔罷熙河蘭會路經制財用司其本路財利職事併入陝西轉運司如有措置事速具聞奏其熙河路合得錢物許允那應副即不得將充別路支費經制司舊官候交與轉運司方得離任徽宗宣和

三年六月十一日詔發運使陳亨伯經制兩浙江東路
運使門高宗建炎元年十一月二十三日樞密院言訪
聞江西轉運司認定應副經制司金銀錢帛一百萬貫
行下遂州收簇酒稅等并七色錢物騷擾尤甚致本路
軍兵錢糧等不能預先椿備有害軍政詔將江西漕司
認定經制司數目並特免所有本路軍兵錢糧俾漕司
先次計置椿管無致闕誤。紹興元年正月二十六日
戶部言看詳除東南八路轉運司所管樓店務係省房
廊已增收錢三分充制外發運司見管所罷學事司係
官屋宇未審合與不合依此增收今勘當欲下兩浙路
提刑司依前項已降經制司所得指揮增收三分椿充

卷一百一十五

經制錢令提刑司拘催起發赴行在補助經費其餘東南路分依此施行從之二月七日戶部侍郎孟庾言欲令東南州縣每季收到經制錢數目限次季孟月十五日已前具帳申提刑司本司類聚申尚書省并本部從金部置籍拘催如違限並依無額帳狀違限科罪從之。九年正月十八日三省言有旨罷發運司其糴買經制等事令戶部侍郎專領令三省措置取旨施行今措置經制發運使司欲除去發運二字只作經制使司差戶部長貳一員兼領別差副使或判官一員不時巡按諸路將見今屬官十員減作六員數內兩員充主管文字四員充幹辦公事應本司官吏資任請給人從等並

依經制發運使司已得指揮契勘經制司職事專管檢
察內外應干諸司州縣軍監失陷錢物舉催未到綱運
措置雜買及總領諸路常平司事仍許於諸路常平司
各選差知首尾人吏二名與逐路幹辦公事官下行遣
文字其餘人吏公案並歸經制司同本司人吏行遣從
之○二十三日戶部侍郎兼江淮荆浙閩廣路經制使梁
汝嘉言一乞下禮部鑄印二面一面以江淮等路經制
使司之印十字為文一面以江淮等路經制判官之印
十字為文一諸路平常司兼隸經制司緣為尚有聲說
未盡路分今乞於江淮荆浙閩廣字下添等字一諸路
常平司主管官並改充經制某路幹辦公事緣上件職

事本係管常平司務未有該載欲乞作經制某路常平等公事繫階並從之。同日詔經制判官與轉運副使叙官從梁汝嘉請也。二月二十日梁汝嘉言諸路幹辦常平官係每路各置一員唯河南兩路止差一員委是難以通行檢察乞東西路各差一員除吳棗就充幹辦西路外東路乞差右承議郎新差權揚州通判蔡材管幹施行從之。三月十五日江淮荆浙閩廣路路經制判官霍彞言朝廷復置經制一司檢察中外財用專以戶部長貳兼領其事而臣一介疵賤何足以當重寄臣聞自三司之法壞而戶部雖掌經費不復稽財用之出入久矣軍興以來上自朝廷下至州縣案籍焚毀綱目散

亡老胥猾吏出沒其間而掌邦計者但以調度不足爲
憂志在苟得苛刻隱欺之患不暇復省故一有調度舉
以其數責之漕司漕司責之州州責之縣縣責之民民
不勝其求不得不爲巧避之術於是詭名寄產分戶匿
稅之弊百端紛起而吏受重賕雖良民不得不爲此者
實有以驅之也今爲縣者非不知民有巧避之術爲州
爲監司爲戶部者亦非不知州縣監司皆有妄取侵用
之數而上下相蒙莫或誰何故公賦屈於隱欺民力殫
於賂遺舉天下之財悉耗於姦胥之手者職此之由今
將檢察其實固非督其逋負收其羨餘以爲剝剝之務
亦將計其所取於民者幾何有當取儲不當取者從而

是正之費其上供於朝廷供億於大軍及諸司之所支撥州縣之所常用者各幾何有常用有不常用者亦從而正之使其所取有常所用有數優于朝廷達于萬民皆可通知爲經久之制尚慮不知者謂今設官之意檢察之名徒爲衆歛之政願詔諸路監司州縣使明知陛下設官理財將爲足國安民之計悉力而奉行之詔依令經制司行下諸路監司照會八月二十二日宰執進呈曾統言乞罷經制司劄子上曰經制一司須經久方見利害今纔半歲難遽責以近効若實無益雖亟罷可也三省措置以開二十九日臣僚言累具奏劄論創置經制司不當未蒙施行竊聞建司之初即創官吏長

貳之外屬官二十員正名人吏客司二十六名貼司之屬不知其幾各有請給四時餽遺出入津送種種橫用置司半年以來校其所入未必能補其所費至於創置酒庫亦是陰奪省司之利夫經制所總之事皆戶部本職稅賦失實當問轉運司常平錢穀失陷當問提舉司監司不法自有互察之文州縣不法自有監司按舉之令若使經制司檢察則戶部亦可廢又何必置諸司欲乞檢會累奏早賜施行詔令戶部措置戶部條具一經制司係檢察諸司州縣失陷錢物并舉催未到綱運總逐路常平等事緣本司所管路分廣濶未見速效今來若隨事依舊分隸諸司拘收檢察其經制一司自可寢

罷一經制司若行寢罷欲乞將拘催檢察上供錢物糧
斛等職事並各併歸逐路所屬監司主管施行年額上
供錢物糧斛酒稅諸路贍軍酒務樁辦雜本等隸轉運
司無額經制朝廷封樁錢物建康永豐圩等隸提刑司
茶鹽錢物隸茶鹽司常平并市易回易平準等錢物隸
常平司一據經制司主管官具到見管江浙錢物欲令
逐州軍主管官除市易務錢物外依舊案名樁管聽候
戶部充雜本支用一經制司酒庫應干官物欲乞併歸
措置贍軍酒庫所分撥使用一經制司屬官人吏欲責
限一月結局其所管公使錢物等並赴左藏庫送納其
經制司案牘並發赴本部所有逐路案牘并相差到吏

卒並發歸元來去處一諸路主管常平官近因制經制
司改作經制某路幹辦常平等公事今來經制司若罷
即合依舊詔罷經制司餘依措置到事理施行內主管
官請給序位等依已降指揮施行

寄葉

徐縣真引文獻通考

蘇守宣和三年方臘初平江浙諸郡皆未有常賦乃詔

除陳亨伯以大漕之職經制七路財賦許得移用監司
聽其按察於是亨伯收民間印契及鬻糟醋之類為錢
凡七色是後州縣所有謂經制錢自亨伯始也其後翁
端朝繼為之紹興初與發運俱罷九年復置以戶部侍
郎梁汝嘉為使司農少卿霍彞為判官以檢察內外失
陷錢物舉催未到綱運措置糴買總領常平為職未幾
諫議曹統言其無益而多費就省之紹興中又有總制
司以參政孟庾領其事其職畧視經制司云今增此

全唐文

宋會要

提舉保甲司

神宗熙寧三年十月十八日陝西宣撫使韓絳乞差尚
駕部員外郎馬元秘書丞劉拱秘書省著作佐郎呂大
忠殿中丞樂渙赴本司以備提舉義勇從之絳又言義
勇分為七路延丹坊為一路邠寧環慶為一路涇原儀
渭為一路秦隴為一路陝解同河中府為一路階成鳳
州鳳翔為一路乾耀華永興軍為一路四年五月四
日詔罷陝西諸路提舉義勇官委本屬州縣依舊條分
番教閱轉運提點刑獄司遇起教日提舉初陝西宣撫
司請辟官八員分總諸路義勇人情以為煩擾無補曾

公亮出鎮永興對日首以為言故罷之 八年閏四月
四日詔五路義勇保甲差在京有職事官一員提舉仍
各不限常制奏舉選人或班行一員勾當公事不以時
差出或躬親巡察差知制誥沈括等十一人兼提舉尋
皆罷之 元豐二年十一月二十九日詔開封府界提
舉保甲官以昭宣使果州防禦使入內副都知王中正
東上閤門使滎州刺史狄詒為之初王安石議減正兵
以保甲民兵代之於是始置提舉教閱之使後又行於
西北三路世議不以為然而後卒改焉 三年六月三
日詔五路轉運提舉官巡歷所至許按閱見教義勇保
甲武藝有不如法關牒提點刑獄司施行以河北提點

刑獄劉定言一司不能遍閱州縣保甲故也十三日詔
廣南梓潼利路保甲令監司提舉司歲分州縣按閱從
尚書兵部請也十五日詔河北河東陝西路各選文武
官一員提舉義勇保甲武臣提舉義勇保甲兼提點刑
獄文臣提點刑獄兼提舉義勇保甲自今五路提點刑
獄準此四年正月七日詔提舉保甲司錢物專令文
臣領之六年十一月八日詔提舉保甲司三路北轉
運司提舉視轉運使同提舉視副使同管勾視判官開
封府界北提點司提舉提點官同提舉視三路同管勾
官仍依所定格子除授並為監司其人從舉官恩數等
並依所視職任武臣專管教閱文臣專管催驅收支錢

物輒侵紊者徒一年 八年十月二十八日詔罷府界
三路提舉保甲官諸路以提刑獄兼領 哲宗元祐元
年二月十五日詔府界三路提舉保甲官并官屬罷
詔禁閏二月二十四日詔河北東西路永興秦鳳等路提
路提典刑獄兼提舉保甲司並依提刑司例各為一司
二年五月二十八日詔河北陝西路提刑兼提舉保
甲並依提刑司分路 徽宗崇寧五年二月三日詔河
北東西路河東永興秦鳳路各置武臣提舉保甲兼提
點刑獄罷提舉保甲文臣

提舉

神宗元豐五年二月十五日

詔提舉熙河等路弓箭手

營田蕃部共為一司隸涇源路制置司許奏舉幹當公

事官一員準備差使使臣三員七月七日提舉熙河等

路弓箭手營田蕃部司康識言與兼提舉營田張大寧

同議立法乞應新收復地差官以千字文分畫經界選

知農事廂軍耕佃頃一人其部轄人員節級及雇助人

工歲入賞罰並用熙河官庄法餘並召弓箭手人給二

頃有馬者加五十畝營田每五十頃為一營差諸農事
官一員幹當許本司不拘常制舉選人使人請給依陝
西路營田司法不滿五十頃委付近城寨官兼管月給
食錢三千從之 哲宗元祐元年三月二十八日詔罷
提舉熙河等路弓箭營田蕃部司 元符元年二月十
七日樞密院言鍾傳奏乞權於熙秦兩路輟那新城內
地土並召弓箭手居住仍置提舉官二員從之 三年
三月八日罷提舉弓箭手司從章惇之請也 徽宗政
和五年二月十八日勘會陝西河東逐路自罷專置提
舉官隸屬經畧司事權不專頗失措置根古打量催督
開墾理斷交侵等職事盡在極邊帥臣無由親到竊慮

因循浸久曠土愈多銷耗民兵人額有害邊防大計兼
提大臣玩習翰墨多務安養罕能躬親衝冒寒暑奔走
往來議事可陝西河東逐路並復置提舉弓箭手同仍
各選差武臣一員充理任請給恩數等並依提舉保甲
條例施行每路各置勾當公事使臣二員每歲令樞密
院取索逐路招置弓箭手并開墾過地土比較優劣殿
最取旨黜陟四月二十七日太尉武信軍節度使奉御
前處分邊防童貫奏據提舉陝西河東路弓箭手何灌
等申請今來復置提舉弓箭手司其人吏並行重祿人
從恩數並依文臣提點刑獄條例資序高者契勘逐官
資序不等緣曾任都鈐轄鈐轄知州軍路分都鹽資序

所有請給人從隨行指使接送人並乞依上項從高條
令支破施行兼政和五年二月二十一日指揮理任請
給恩數等並依提舉保甲司條例契勘提舉弓箭手司
舊視提舉常平司又崇寧三年正月敕節文提舉弓箭
手官職提舉改官縣令比提舉常平官減半今來本司依
提照刑獄官減半外刑獄條例並同今欲乞薦舉改官
縣令依提照刑獄官減半外有分曹建掾後來添舉改
官員數內零分更舉一員其逐路城寨甚多當職使臣
並係奉行弓箭手職事所有薦舉大小使臣並乞依提
舉保甲司條例更不減半看詳可行欲依所乞從之十
一月七日奉承御前處分邊防司奏檢會崇寧二年五

月十一日樞密院奏提舉河東弓箭手兼營田司使臣
五員並分差在新邊城寨往來照管耕種催納租課等
事最為勞苦緣逐人依指使利各差破白直兵士二人
委是使喚不着欲乞依監當官條例差破白直兵士五
人於數內差識字軍人一名應副文字若不足並從下
差禁軍詔依所申本司今相度本司準備差使官員合
破人從欲乞並依上項提舉弓箭手兼營田司已得朝
旨差破如遇差出有公案文字依監司差出小使臣缺
勾當政和重修格破擔擎鋪兵二人陝西諸路亦乞
依此施行本司看詳欲乞陝西河東路提舉弓箭手司
所差本司小使臣並權依河東路弓箭手司上項所申

事理差破候招刺就緒日依舊從之

欽宗靖康元年

二月十四日罷陝西河東提舉

弓箭手官以其人復隸帥司